

ÁKVÖRÐUN FRAMKVÆMDASTJÓRNARINNAR

2012/EES/54/99

frá 11. nóvember 2011

um breytingu á ákvörðunum 2010/2/ESB og 2011/278/EB hvað varðar
þá geira og undirgeira sem teljast vera í umtalsverðri áhættu á
kolefnisleka (*)

(tilkynnt með númeri C(2011) 8017)

(2011/745/ESB)

FRAMKVÆMDASTJÓRN EVRÓPUSAMBANDSINS
HEFUR,

sem settar eru fram í 14.–17. mgr. 10. gr. a í tilskipuninni,
í kjölfar breytinga sem hafa umtalsverð áhrif á starfsemi
þess geira eða undirgeira.

með hliðsjón af sáttmálanum um starfshætti Evrópusam-
bandsins,

með hliðsjón af tilskipun Evrópuþingsins og ráðsins 2003/87/
EB frá 13. október 2003 um að koma á fót kerfi fyrir við-
skipti með heimildir til losunar gróðurhúsalofttegunda innan
Bandalagsins og um breytingu á tilskipun ráðsins 96/61/EB ⁽¹⁾,
einkum 1. mgr. 10. gr. a og 13. gr.,

og að teknu tilliti til eftirfarandi:

- 1) Í ákvörðun framkvæmdastjórnarinnar 2010/2/ESB ⁽²⁾ er, samkvæmt tilskipun 2003/87/EB, tekin saman skrá yfir geira og undirgeira sem teljast vera í umtalsverðri áhættu á kolefnisleka.
- 2) Með ákvörðun framkvæmdastjórnarinnar 2011/278/ESB ⁽³⁾ er sagt til um umbreytingarreglur á vettvangi Sambandsins um samræmda úthlutun losunarheimilda án endurgjalds skv. 10. gr. a í tilskipun 2003/87/EB.
- 3) Í samræmi við aðra undirgrein 13. mgr. 10. gr. a í tilskipun 2003/87/EB getur framkvæmdastjórnin á hverju ári bætt geira eða undirgeira við í skrána yfir þá geira og undirgeira sem teljast vera í umtalsverðri áhættu á kolefnisleka. Sýna þarf fram á það í skýrslu um greiningu að geirinn eða undirgeirinn fullnægi þeim viðmiðunum,

(*) Þessi EB-gerð birtist í Stjtið. ESB L 299, 17.11.2011, bls. 9. Hentar var getið í ákvörðun sameiginlegu EES-nefndarinnar nr. 152/2012 frá 26. júlí 2012 um breytingu á XX. viðauka (Umhverfismál) við EES-samninginn, biður birtingar.

⁽¹⁾ Stjtið. ESB L 275, 25.10.2003, bls. 32.

⁽²⁾ Stjtið. ESB L 1, 5.1.2010, bls. 10.

⁽³⁾ Stjtið. ESB L 130, 17.5.2011, bls. 1.

- 4) Við ákvörðun á þeim geirum og undirgeirum, sem teljast vera í umtalsverðri áhættu á kolefnisleka, skal framkvæmdastjórnin meta, á vettvangi Sambandsins, að hve miklu leyti viðkomandi geirar eða undirgeirar geta, miðað við viðkomandi aðgreiningu, velt beina kostnaðinum af tilskildum losunarheimildum og óbeina kostnaðinum af herra raforkuverði, sem hlýst af framkvæmd tilskipunar 2003/87/EB, út í framleiðsluverðið án umtalsverðs taps á markaðshlutdeild til stöðva utan Sambandsins sem hafa verri kolefnisnýtingu. Matið skal grundvallast á meðalkolefnisverði samkvæmt mati framkvæmdastjórnarinnar á mati á áhrifum sem fylgja röð ráðstafana sem tengjast markmiðum Sambandsins um loftslagsbreytingar og endurnýjanlega orku fyrir 2020 og gögn, liggi þau fyrir, um viðskipti, framleiðslu og vinnsluvirði síðustu þrjú árin fyrir hvern geira eða undirgeira.
- 5) Nokkrum geirum og undirgeirum, s.s. framleiðslu á múrsteinum og tígulsteinum á þök, sem höfðu ekki verið greindir að fullu vegna tímatakmarkana og takmarkaðra gæða og tiltækileika gagna, var ekki bætt við í skrána sem er birt í viðaukanum við ákvörðun 2010/2/ESB.
- 6) Geirinn „framleiðsla á múrsteinum, tígulsteinum og byggingarvörum úr brenndum leir“ (kóði atvinnugreinaflokunar Evrópubandalaganna 2640) var endurmetinn árið 2010. Það eigindlega mat færði sönnur á erfiða markaðsgeiginleika á borð við vaxandi viðskipti, einkum vaxandi þróun í innflutningi frá löndum með ódýra framleiðslu, aukið álag vegna alþjóðlegrar samkeppni, að umtalsverður hluti framleiðslunnar innan Sambandsins fer fram hjá litlum og meðalstórum fyrirtækjum og hagnaðarhlutfall á þeim árum sem voru metin er lítið í samanburði við viðbótarkostnað vegna koltvísýrings (CO₂), sem takmarkar getu stöðva til að fjárfesta og minnka útblástur. Á grundvelli samanlagðra áhrifa þessara þátta skal þessi geiri teljast vera í umtalsverðri áhættu á kolefnisleka.

- 7) Ennfremur hefur verið sýnt fram á að geirinn „saltvinnsla“ (kóði atvinnugreinaflokkunar Evrópubandalaganna 1440), fullnægir megindlegum viðmiðunum, sem settar voru fram í 14.–17. mgr. 10. gr. a í tilskipun 2003/87/EB, í kjölfar þess að viðbótarstöðvar úr geiranum voru auðkenndar í óháðri viðskiptadagbók Bandalagsins (CITL) sem var notuð sem helsta heimildin til að reikna út beinan kostnað af losunarheimildunum. Þeim geira skal því bætt við í skrána yfir geira eða undirgeira sem teljast vera í umtalsverðri áhættu á kolefnisleka. Þó svo að stöðvar í óháðri viðskiptadagbók Bandalagsins hafi verið auðkenndar sem stöðvar í þeim geira hefur það engin áhrif á stöðuna að því er varðar umtalsverða áhættu á kolefnisleka í öðrum geirum og undirgeirum.
- 8) Nokkrir geirar, sem ekki voru taldir í umtalsverðri áhættu á kolefnisleka á grundvelli 4. þreps atvinnugreinaflokkunar Evrópubandalaganna í ákvörðun 2010/2/ESB, voru aðgreindir og fjölmargir samsvarandi undirgeirar, þar sem tilteknir, sérstakir, auðkennandi eiginleikar leiddu til áhrifa sem eru umtalsvert frábrugðin þeim áhrifum sem koma fram annars staðar í geiranum, voru metnir. Ef þetta mat leiðir til þeirrar niðurstöðu að geirar eða undirgeirar geti verið greinilega greindir frá öðrum geirum og undirgeirum á grundvelli tiltekinna eiginleika og fullnægi megindlegum viðmiðunum, sem settar eru fram í 15. eða 16. mgr. 10. gr. a í tilskipun 2003/87/EB, má bæta þeim við í skrána yfir framleiðsluvörur sem teljast vera í umtalsverðri áhættu á kolefnisleka. Geirunum „kakódeig (að undanskildum vörum sem innihalda viðbættan sykur eða önnur sætuefni)“, „kakósmjör, kakófeiti og kakóolia“ og „kakóduft sem ekki inniheldur viðbættan sykur eða önnur sætuefni“ skal því bætt við í skrána.
- 9) Þar eð búið er að framkvæma frekari greiningu, sem kallað var eftir með annarri málsgrein 1. gr. ákvörðunar 2010/2/ESB, skal sú málsgrein felld brott. Framkvæmdastjórnin fann engar vísbendingar um nauðsynlegt umfang viðskipta sem myndi réttlæta það að bæta viðkomandi geirum við í skrána yfir geira og undirgeira sem teljast vera í umtalsverðri áhættu á kolefnisleka.

- 10) Því ber að breyta ákvörðunum 2010/2/ESB og 2011/278/ESB til samræmis við það.
- 11) Ráðstafanirnar, sem kveðið er á um í þessari ákvörðun, eru í samræmi við álit nefndarinnar um loftslagsbreytingar.

SAMÞYKKT ÁKVÖRÐUN ÞESSA:

1. gr.

Breytingar á ákvörðun 2010/2/ESB

Ákvörðun 2010/2/ESB er breytt sem hér segir:

- 1) Í 1. gr. falli önnur málsgrein brott.
- 2) Viðaukanum við ákvörðun 2010/2/ESB er breytt í samræmi við I. viðauka við þessa ákvörðun.

2. gr.

Breytingar á I. viðauka við ákvörðun 2011/278/ESB

Ákvæðum I. viðauka við ákvörðun 2011/278/ESB er breytt í samræmi við II. viðauka við þessa ákvörðun.

3. gr.

Viðtakendur

Ákvörðun þessari er beint til aðildarríkjanna.

Gjört í Brussel 11. nóvember 2011.

Fyrir hönd framkvæmdastjórnarinnar

Connie HEDEGAARD

framkvæmdastjóri

I. VIÐAUKI

Viðaukanum við ákvörðun 2010/2/ESB er breytt sem hér segir:

- 1) Eftirfarandi færsla bætist við í töfluna í lið 1.2:

NACE-kóði	Lýsing
„1440	Saltvinnsla“

- 2) Ákvæðum 2. liðar er breytt sem hér segir:

- a) Í stað fyrirsagnarinnar komi eftirfarandi:

„LÆGRA EN 4. ÞREP ATVINNUGREINAFLOKKUNAR EVRÓPUBANDALAGANNA Á GRUNDFELLI MEGINDLEGRA VIÐMIÐANA SEM SETTAR ERU FRAM Í 15. EÐA 16. MGR. 10. GR. a Í TILSKIPUN 2003/87/EB“

- b) Eftirfarandi færslur bætist við á eftir færslu 155154:

Kóði í vöruskrá EB	Lýsing
„15841100	Kakódeig (þó ekki með viðbættum sykri eða öðrum sætuefnum)
15841200	Kakósmjör, kakófeiti og kakóolía
15841300	Kakóduft, án viðbættis sykurs eða annarra sætuefna“

- 3) Eftirfarandi færsla bætist við á eftir færslu 2416 í 3. lið:

NACE-kóði	Lýsing
„2640	Framleiðsla á múrsteinum, tígulsteinum og byggingarvörum úr brenndum leir“

II. VIÐAUKI

Í stað færslanna er varða vöruviðmiðanirnar „múrsteinar til klæðningar“, „hellusteinar“ og „þaktígulsteinar“ í I. viðauka við ákvörðun 2011/278/ESB komi eftirfarandi:

Vöruviðmiðun	Skilgreining á þeim vörum sem falla hér undir	Skilgreining á vinnslu og losun sem fellur hér undir (kerfismörk)	Váhrif vegna kolefnisleka samkvæmt ákvörðun 2010/2/ESB fyrir árin 2013 og 2014	Viðmiðunargildi (losunarheimildir/t)
„Múrsteinar til klæðningar	Múrsteinar til klæðningar með þéttleika > 1000 kg/m ³ sem eru notaðir á steinfteti á grundvelli EN 771-1, að undanskildum hellusteinum, hörðum múrsteinum og blábrenndum múrsteinum til klæðningar.	Öll vinnsluferli, sem tengjast beint eða óbeint vinnsluferlunum tilreiðslu hráefna, blöndun efnispátta, mótun, lögun, þurrkun, brennslu og frágangi vöru og hreinsun reyks, falla hér undir.	já	0,139
Hellusteinar	Leirsteinar til gólfagningar samkvæmt EN 1344.	Öll vinnsluferli, sem tengjast beint eða óbeint vinnsluferlunum tilreiðslu hráefna, blöndun efnispátta, mótun, lögun, þurrkun, brennslu og frágangi vöru og hreinsun reyks, falla hér undir.	já	0,192
Þaktígulsteinar	Þaktígulsteinar úr leir, samkvæmt skilgreiningu í EN 1304:2005, að undanskildum blábrenndum þakflísum og aukabúnaði.	Öll vinnsluferli, sem tengjast beint eða óbeint vinnsluferlunum tilreiðslu hráefna, blöndun efnispátta, mótun, lögun, þurrkun, brennslu og frágangi vöru og hreinsun reyks, falla hér undir.	já	0,144“